

umno-2010

Contributed by Webmaster
Tuesday, 29 December 2009
Last Updated Tuesday, 29 December 2009

Dalam sedikit masa lagi kita akan melangkah ke tahun baru 2010. Kita meninggalkan 2009 dengan satu pertanyaan – sejauh mana UMNO sudah berjaya memikat dan menambat hati rakyat khususnya Melayu sepanjang tahun 2009. Se jauh mana UMNO di terima semula setelah BN dan UMNO berdepan dengan tsunami politik pada PRU 12? Sudah selesaikan persoalan mengenai kenapa UMNO dan BN hampir tewas – hampir tersingkir. Adakah UMNO dan BN sudah mengetahui punca mereka hilang beberapa negeri dan hampir tersungkur dalam satu pilihan raya terburuk UMNO dan BN – PRU 12 atau UMNO dan BN masih mencari-cari sebab dan masih terburu-buru mahukan formula cepat – antidot cepat bagi menyelesaikan kemelesetan sokongan yang dialami. Adakah UMNO sudah semakin pulih? Adakah UMNO masih lagi bergelut membebaskan diri dari kemelut politik mereka – khususnya berdepan dengan keadaan kemelesetan sokongan atau UMNO tidak hilang sokongan Melayu tetapi ketandusan sokongan kaum lain? Bagaimana langkah UMNO sekarang ini. Adakah UMNO sedang meningkatkan prestasinya untuk kembali ke zaman kegemilangan mereka atau UMNO masih tersangkut – masih mencari-cari apa yang perlu dilakukan dan apa yang perlu dibuat untuk mengembalikan sokongan dan penerimaan rakyat khususnya Melayu terhadap mereka. Di mana UMNO sekarang. Adakah UMNO mampu hadir pada PRU 13 dengan kekuatan baru atau sebaliknya. Apakah lagi yang mampu UMNO lakukan dalam merealisasikan perubahan agar UMNO dapat di terima sepenuhnya. Andai kita tolak sentimen berparti – apa yang harus UMNO dan kerajaan BN lakukan hari ini untuk mengembalikan sokongan terhadap mereka. Apa langkah yang patut diambil dan apa yang perlu ahli UMNO lakukan demi kelangsungan hayat UMNO. Kita bincangkan agar mereka yang dalam UMNO sedar – keperluan perubahan dan apa bentuk perubahan yang sepatutnya di buat untuk menarik perhatian rakyat semula.